



Broj: 14-14-3-11063-10/18
Zenica: 20.08.2018.godine

Na osnovu člana 70. i člana 89. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-3-11063-9/18 od 16.08.2018.godine, u postupku javne nabavke „Nabavka računarske opreme za potrebe organa uprave ZDK“, direktor Službe za zajedničke poslove Zeničko-dobojskog kantona, donosi:

ODLUKU **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-14-3-11063-9/18 od 16.08.2018.godine i ugovor za „Nabavku računarske opreme za potrebe organa uprave ZDK“, dodjeljuje se ponuđaču: „Printex“ d.o.o. Sarajevo, kao najbolje ocijenjenom ponuđaču.
2. Ponuđač kojem se dodjeljuje ugovor dužan je dostaviti dokumente iz člana 45. i 46. navedene u tački 3.1 i 3.2. Konkurentskog zahtjeva za dostavljanje ponuda, u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-14-3-11063/18 od 06.07.2017.godine, pokrenula postupak javne nabavke za „Nabavku računarske opreme za potrebe organa uprave ZDK“. Javna nabavka je provedena po Konkurentskom zahtjevu za dostavu ponuda sa predviđenim provođenjem postupka e-Aukcije putem portala za Javne nabavke BiH. Procijenjena vrijednost nabavke je 35.470,00 KM bez PDV-a.

Ugovorni organ je objavio obavještenje i tendersku dokumentaciju na portalu javnih nabavki broj: 771-7-1-12-3-10/18 dana 13.07.2018.godine.

Komisija za provođenje postupka javne nabavke, koja je imenovana Rješenjem broj: 14-14-3-11063-1/18 od 06.07.2018. godine, blagovremeno je izvršila javno otvaranje ponuda, te u Zapisniku od 16.08.2018.godine, konstatovala da je u predviđenom roku pristiglo šest ponuda, ponuđača: „Fractal“ d.o.o. Žepče, „GODIMERC“ d.o.o. Sarajevo, „ELUR“ d.o.o. Kiseljak, „Printex“ d.o.o. Sarajevo, „Fixit“ d.o.o. Sarajevo i „Elur“ d.o.o. Kiseljak (Izmjena ponude). Također, konstatovano je i da je ponuđač „Elur“ d.o.o. Kiseljak dostavio izmjenu ponude u skladu sa tenderskom dokumentacijom, te da će se ponuda i izmjena ponude, navedenog ponuđača ocjenjivati kao jedna.

Nakon pregleda ponuda naprijed navedenih ponuđača, Komisija je u zapisniku, broj: 14-14-10847-7/18 od 24.07.2018.godine konstatovala sljedeće:



- Ponuda ponuđača „Fractal“ d.o.o. Žepče nije potpuna iz razloga, što je ponuđač dostavio ponudu u samo jednom primjerku (originalu).

Članom 8. stav (8) Uputstva za pripremu modela tenderske dokumentacije i ponuda („Službeni glasnik BiH“, broj 90/14) propisano je da ukoliko ugovorni organ od ponuđača zahtijeva i kopiju ponude, ona se dostavlja zajedno sa originalnom ponudom. U tom slučaju se jasno naznačava original i kopija ponude. U slučaju razlika između originala i kopije ponude, vjerodostojan je original ponude. Tačkom 4.2. Način dostavljanja ponuda, tenderske dokumentacije ugovorni organ je propisao da je ponuđač dužan da dostavi original i jednu kopiju ponude. Kopija se dostavlja zajedno s originalnom ponudom.

Članom 68. stav (4) tačke i) Zakona o javnim nabavkama („Službeni glasnik BiH“, broj: 39/14) propisano je da je ugovorni organ dužan odbaciti zahtjev za učešće ili ponudu u slučaju kada ponuda nije potpuna i ne ispunjava zahtjeve iz tenderske dokumentacije.

- Ponuda ponuđača „Elur“ d.o.o. Kiseljak se odbacuje jer ne ispunjava zahtjeve iz tenderske dokumentacije iz sljedećeg razloga:
 - ponuđač je u Ponudi-Predračunu br. 156/2018. od 27.07.2018. godine za stavke pod rednim brojem 1. Brandname računarska konfiguracija, redni br. 2, Brandname laptop i redni br. 3. Brandname laptop naveo garanciju dvanaest (12) mjeseci, a što nije u skladu sa tačkom 5.4. Tenderske dokumentacije i Nacrtom ugovora, član 5. Isporučilac robe daje garantni rok za isporučenu opremu u trajanju od 36 mjeseci.
- Ponuda ponuđača „Godimerc“ d.o.o. Sarajevo se odbacuje jer ne ispunjava zahtjeve iz tenderske dokumentacije. Ponuđač „Godimerc“ d.o.o Sarajevo je dao Izjavu-garantni rok od 27.07.2018. godine u kojoj stoji da je garantni rok za ponuđenu opremu:
 - za računare, monitore i laptope 36 mjeseci
 - za printere i baterije za laptope 12 mjeseci,
 što nije u skladu sa tačkom 5.4. Tenderske dokumentacije i Nacrtom ugovora, član 5. Isporučilac robe daje garantni rok za isporučenu opremu u trajanju od 36 mjeseci

Članom 68. stav (4) tačke i) Zakona o javnim nabavkama („Službeni glasnik BiH“, broj: 39/14) propisano je da je ugovorni organ dužan odbaciti zahtjev za učešće ili ponudu u slučaju kada ponuda nije potpuna i ne ispunjava zahtjeve iz tenderske dokumentacije.

S obzirom da ponude ponuđača „Fractal“ d.o.o. Žepče, „Elur“ d.o.o. Kiseljak i „Godimerc“ d.o.o. Sarajevo nisu dostavljene u skladu da Zakonom o javnim nabavkama, Uputstvom za pripremu tenderske dokumentacije i ponuda i Tenderskom dokumentacijom iste nisu ni uzete u razmatranje od strane Komisije.

Ponude gore navedenih ponuđača se odbacuju na osnovu člana 68. stav (4) tač. i) Zakona o javnim nabavkama (Sl. Glasnik BiH broj: 39/14) i na osnovu Člana 8. stav (8) Uputstva za pripremu modela tenderske dokumentacije i ponuda („Službeni glasnik BiH“, broj 90/14) jer ponude nisu potpune i ne ispunjavaju zahtjeve iz tenderske dokumentacije.

S obzirom da Komisija imenovana prvobitnim Rješenjem o imenovanju Komisije za provođenje postupka javne nabavke nije bila u mogućnosti ocijeniti tehnički dio ponude, doneseno je Rješenje o izmjeni Rješenja o imenovanju Komisije za provođenje postupka javne nabavke, broj: 14-14-3-11063-8/18 od 07.08.2018. godine. Navedenim Rješenjem za predsjednicu Komisije je imenovana zaposlenica Stručne službe Vlade – Odjeljenja za informatičku podršku, koja ima stručno znanje u oblasti predmeta javne nabavke.

Komisija, imenovana Rješenjem o izmjeni Rješenja, je prilikom ocjene tehničkog dijela ponuda konstatovala da nazivi artikala dostavljeni od strane ponuđača, pa i dostavljena kataloška dokumentacija ne daju mogućnost potvrde traženih tehničkih specifikacija i iste će biti predmetom potvrde prilikom prijema



opreme, nakon čega je sačinila spisak prihvatljivih ponuda prema kriteriju najniže cijene, pri tom imajući vidu da su svi kvalifikacioni uslovi u cjelosti ispunjeni.

Nakon izvršene evaluacije ponuda - izvršenog pregleda i ocjena ponuda, izvršen je unos prihvatljivih ponuda u Informacioni sistem e-Nabavke –Portal Javnih nabavki BiH. E-Aukcija je održana 16.08.2018.godine sa početkom u 9:00 sati i okončana je u 9 sati i 20 minuta.

Početna rang lista ponuđača koji su pozvani da učestvuju u e-Aukciji je sljedeća:

Naziv ponuđača	Početna cijena u KM bez PDV-a	Rang
1 Printex d.o.o. Sarajevo	35.089,00	1
2 Fixit d.o.o. Sarajevo	35.460,58	2

Nakon uspješno okončane e-Aukcije, a na osnovu Izvještaja o toku i završetku e-Aukcije sačinjena je Rang lista ponuđača:

Naziv i sjedište ponuđača	Konačna cijena u KM bez PDV-a	Rangiranje ponude
Printex d.o.o. Sarajevo	34.928,00	1
Fixit d.o.o. Sarajevo	34.964,00	2

U skladu sa navedenim, Komisija je dala preporuku ugovornom organu za donošenje odluke o izboru ponuđača „Printex“ d.o.o. Sarajevo, kao najpovoljnijeg ponuđača za predmetnu nabavku.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog, donesena je odluka kao i dispozitivu.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 1x ponuđači
1x tenderska dokumentacija

fy

